
Fra: Arne Øi <Arne.Oi@fn.no>
Sendt: lørdag 20. juni 2020 08.56
Til: Postmottak Alver
Kopi: 'jan.gunnar.korsoen@teromarine.com'; 'Bjørn Rundhovde'; Jan Gunnar Hovden
Emne: Rullering anleggsstrategi for Alver - innspel til idrett frå NHS

Til Alver kommune, Idrettsrådet
Frå Nordhordland Seilforening (NHS)

Rullering anleggsstrategi for Alver – høyringsuttale frå NHS til handlingsdelen for idrett

NHS har i mange år vore med på å utvikla ideen og planane for et anlegg for ikkje-motorisert sjøsport i Flatøyosen, basert på fleirbruk og sambruk. Skitnedalsvika heilt i sør-aust har vore det mest omtalte alternativet. NHS ønskjer å delta i samarbeid om eit anlegg her. Men for NHS kan det vera fleire moglege plasseringar av eit anlegg, frå Grønevika rundt indre del av osen og til Eidevikane.

NHS har gjennom fleire år hatt god og uformell kontakt med IL Kvernbit sin ro- og seglgruppe, og vi er kjent med at den nye padlegruppa der også har felles interesser. Vi er m.a. kjent med tankane om eit enkelt mellombels opplegg med eit Grindbygg eller liknande – det er då viktig at prinsippa om fleirbruk og sambruk gjelder frå «dag ein».

Tidlegare har vi hatt kontakt med Knarvik Idrettslag sin tur- og kanogruppe, og med Nordhordland padleklubb. Det kan og vera andre lag som er interessert og kan delta i utvikling og bruk av eit fellesanlegg, t.d. etter prinsippa for «fellesnaust». Vi ønskjer eit felles møte mellom idrettsrådet og interesserte lag (ikkje berre innan idrett) og kommunen, etter sommarferien i år. Vi i NHS kan om ønskeleg tilby oss å syta for å kartleggja kven desse laga er, slik at dei vert inviterte. Så kan vi gå vidare saman med dei som faktisk er motiverte.

NHS har i fleire år vore aktive i uteskule-undervisning i heile Vestland fylke om natur og kultur, i samarbeid med stiftinga «Kystkultur no!», FN-sambandet og IL Kvernbit ro- og seglgruppe. Røynslene frå dette er gode, og dannar eit godt grunnlag for å etablera ein lokal natur- og kulturskule i Alver, gjerne som ein del av satsinga i Nordhordland UNESCO biosfæreområde.

I samband med handsaminga av områdeplanen for Midtmarka deltok NHS i høyringa. Vi sender her innspilet vårt, identisk ein gong til, då det er relevant for Idretts- og friluftslivsplanen i Alver:

«Nordhordland Seilforening (NHS) er positive til områdeplanen sin skisse til eit ikkje-motorisert sjøsport-senter i Flatøyosen, om lag som i *dokument nr 16*. Men for å kunne driva forsvarleg med seglsport og opplæring for born og unge, er det avgjerande at trafikk med motorbåtar, for ikkje å snakka om større fartøy, minimaliserast i den midtre og austre delen av Flatøyosen – all næringsverksemd må difor haldast på land, og det kan ikkje etablerast småbåthamn/marina. Fase 3A i områdeplanen vil, slik det no er utforma med omfattande bygningsmasse og annan infrastruktur langs heile sjøfronten, kraftig redusera verdien av sjøarealet som friområde ute i sjølve osen. Bygningane må difor trekkjast meir tilbake på land, og sjølve strandlinja må få vera som den er.

NHS ønskjer å driva med jollesegling og opplæring for born, unge og om ønskeleg spesielle grupper. Vi er og positive til å samarbeida med andre lag og einingar (inkl.

kommunen) om finansieringa, utbygginga og drifta, etter prinsippa om fleirbruk og sambruk, og/eller ideen om «fellesnaust». M.o.t. å kunne utløysa støtte i form av spelemidlar osv. er det viktig at det er mogleg å utvida anlegget på sikt, noko vi meiner det ligg til rette for m.a. på Lyngholmen. NHS kan samarbeida med andre aktørar om opplæring og/eller praksis eller valfag for skuleelevar. For slik aktivitet vil det vera best om anlegget er i Skitnedalsvika slik som skissert i *dokument nr 16*, då det er kort avstand til E39 med god kollektivtilbod til og frå resten av Alver kommune og Åsane bydel i Bergen.

Det er viktig at kulturminne, artsmangfald i små øyrer, myrer, andre biotopar under vatn, i fjæra og på land osv. ikkje vert skada. Sagt med andre ord må anlegget akseptera at det vert etablert i eit sårbart område med mange avgrensingar.

Områdeplanen er omfattande, utbygginga kan ta mange år, så vilkåra for plassering på land kan endra seg. For NHS kan det vera fleire moglege plasseringar av eit anlegg, frå Grønevik rundt indre del av osen til Eidevikane.

NHS vil presisera at vi har vår primæraktivitet ute på sjøen i Flatøyosen, og det er arealet der som må skjermast, slik at det ligg til rette for ikkje-motorisert sjøsport. Slik tilrettelegging vil berre styrka vernet av «Flatøyosen, strandsone med tilhøyrande sjø og vassdrag – Svært viktig» (*figur 12 i dokument nr 7*). Eit anlegg slik som skissert over her vil ikkje ha negative følgjer: *Jfr. ymse referansar i dokument nr 7 – konsekvensutgreiing Sjøareal og Strandsone – Omtale m.a. av «vassportanlegg» i tabell på s. 8; padling på s. 18, siste avsnitt og sjøsports-senter på s. 19, første og andre avsnitt; sjøarealet nord-austre del av Delområde 3 og heile Delområde 1 i figur 3; FEGY i figur 4 og 8; foto m.a. i figur 13.*

Medan vilkåra på land fort kan endra seg ut ifrå kva utbygging som vert realisert, vil vilkåra på sjøen i stor grad vera dei same heile tida. Vi meiner at sjøområdet ute på osen er klart undervurdert, t.d. i kapitelet om friluftsliv på s. 25 i *dokument 7*. Konsekvensutgreiinga for sjøarealet må gjerast oppatt og meir nyansert. Slik det er no, vert perspektivet for einsidig frå landsida ut mot sjøarealet, som nesten ikkje får nokon eigen verdi. Bruk og vern av sjøarealet som friområde må få like stor vekt som tilsvarande bruk av landarealet, slik at det vert ein heilskap. Det er ingen andre slike bukter i søre del av Alver kommune, eller nord i Åsane, med like god tilgjenge for ålmenta.»

Helsing

Jan Gunnar Korsøen – leiar i NHS

Arne Øi – NHS sin kontaktperson for sjøsportsanlegg i Flatøyosen